

一

大


水

四

年

全

本



一

《續修四庫全書》編纂委員會編

續修四庫全書

上海古籍出版社

三六二・史部・編年類

國權不分卷

〔清〕談

遷撰

2278/02

國

權

五

〔清〕

談

遷

撰

據北京圖書館藏清抄本
影印原書字芯高二〇
八毫米寬二三四毫米

伍二

隆慶元年至三年

國權

國權

盟官談遷稿本著

穆宗契天隆道淵懿寬仁顯文光武純德弘孝莊皇帝諱載堯
世宗第三子母康妃杜氏嘉靖十六年正月癸卯生周養列
晬盤取龍旗印石奇愛之己亥二月朔同莊敬太子景王受
冊封裕王是日御雲見於敬丹霄誤致於王世宗聞之曰
天命也癸丑婚李氏繼陳氏既景王薨世宗雖設三儲人
心攸偏嘗謀內禪不果丙寅十二月庚子世宗工賓裕
王入喪治

辛丑頒遺詔嚴京城守衛

戊申禮部左侍郎潘晟工部右侍郎徐綱詣永陵

夜京師地震

壬子工即皇帝位詔曰惟我祖宗聖相承至治鴻功
超越千古暨我皇考大行皇帝以經文緯武之德建安內
懷外之勲增光先朝業既後世方幸永賴遽爾上賓特懷馮
几之言屬以神器之重朕在疚本不忍聞而文武群臣
下及耆老軍民合詞勸進至於再三辭拒弗獲乃遵遺詔以
是月二十六日祇告天地宗廟社稷即皇帝位明年為隆慶

元年仰惟來命之昭垂深望繼述之善善後焉自省豈所能勝然而先志不可不成聖訓不敢不奉是用推類以盡義通變以宜期衍舊恩適弘新化所有合行事宜條列於後云云於戲觀耿光而揚大烈方勉孟於孝思將帝軌而翔皇猷實有育於忠蓋凡爾有位尚體朕心各懃匪懈之誠共保昌熙之祚

正德十六年四月以後終嘉靖建言得罪諸臣遵道詔召用如錄方士王金陶陳中世文劉文彬高守忠陶世恩俱下錦衣獄屠秩章是等為民除受太常寺官及其人高士孟章去齋廩之所下禮部議處工部料價等竹木等南京內府各衙門設匹器皿香蠟柴炭匠役等先祿寺品物酒飯等但同齋廩工作加派者俱停革織造採買等項除陝西織絨河南廣東織葛廣東採珠買黃白蠟降真香及福建買龍涎香而雲採買石採礦全江西陶器并各處採芝悉停止其浙直織造內臣俱即回京隆慶元年漕米特折十之三餘起存本折特免十之五嘉靖四十四年以前兵部收馬草場子粒收馬匹虧課工部羅段紬絹麻鉄魚鱗翎毛皮張天鵝筋角漆料白榜紙吹柴木炭檣柴等銀及二外銀如逋欠盡蠲之餘如常

釋戶部主事海瑞獄
甲寅改造隆慶大統曆
丙辰給太廟罷內殿之祭

丁卯隆慶元年

正月己朔免朝賀封奏如常儀故事正旦決旬不奏事通政司以新政請

桂陽州藍山縣大水

戊午御宣治門詳臣奉慰

堽常壩高氏王氏

議大行皇帝謚

己未議生母榮淑康妃杜氏謚

庚申大理寺左少卿鄒應龍為太僕寺卿

辛酉吏科都給事中胡應嘉等言喪禮稍暇每朝罷必御文

華殿令輔臣面議裁決事屬六部則召對諸卿義常問難則

顧問滿臣又前代宰相入閣議事必疎官隨之國朝六科輪

直亦其遺意乞此後更番隨入聽而析是非或退而參論

上是之

錄建言得罪諸臣通政使樊深都給事中丘樞楊忠忠戶相

魏良弼李用敬左給事中陳璘給事中吳時來周怡沈承順
存仁趙純張選索世榮御史何維柏趙錦張登高黃正色方
新張檣安儒中仲王時舉馮恩郎中徐學詩周冕主事張紳
董傳策劉世龍唐樞大理寺正母純德是日補璘時來吏科
執禮科世榮兵科儒登高浙江道新江西道檣湖廣道錦維
柏河南道仲山東道時舉山西道紳傳策刑部餘需次
吏部請卹諸臣第為三等一優死若兵部員外郎楊繼盛左
中允郭希顏錦衣衛經歷沈鍊給事中楊允祀宜贈廕論祭
一杖死若太僕卿楊最編修王恩給事中薛宗鑑何先裕裴
紹張原御史浦鏗曾紳葉經主事周天佐仵瑜戚應奎股承
叙宜復官贈廕一號死若侍郎唐曾都御史李璋學士豐熙
脩撰楊慎編修楊名檢討王元正贊善羅洪先大理左少卿
徐文華都給事中張紳張侃劉濟劉琦御史馬錄程故元虞
項陳環桑喬包節王宗茂余鼎方一桂員外郎劉題郎中余
寬黃衍顯陶滋相世芳王與齡金事章鎬宜復秩贈官吏部
尚書熊浹諫止葉仙御史楊爵譚擊壤律常與杖死同卹從
之贈決少保謹恭肅
王世貞曰嘉靖遺詔卹錄言事得罪諸臣雖微改元詔旨

國權

最為收拾人心機括惜乎吏部奉行之臣未請典故故倉
卒奏請不能無舛如熊太宰之加少保少保三孤也非部
所宜定議也此一舛也得罪諸臣常酌其事理之切直心
之赤誠與否而後劑之今但以得禍輕重為主致郭豐城
之卹反優於楊富平此二舛也翰林春坊自有本等階級
可贈今於贊善修撰皆光祿少卿是外之也此三舛也部
給事御史止贈通參大理丞其有遺悞而撫按題請者起
三級為太常少卿致仕官亦如之此四舛也自後言官所
舉尤為桂滿如石文介疏少保致仕而稱太子太保彭稷
穀澤致仕加少保而亦稱太子太保故復贈少保林貞庸
俊致仕加太子太保而止稱刑部尚書故復贈太子太保
今獨林公改正而已楊文忠一品十二年滿加太傅固辭
而止又與蔣文定俱封伯亦固辭而止楊不常僅加太保
蔣不常僅加少師此則執政之悞也
癸亥唐事所吏部左侍郎陳以勤工謹始十事定志保位異
天法祖愛民崇儉攬權用人棲下聽言 上嘉納之
丙寅 工御宣治門視事
脩永陵勅內官監太監王鼎工部右侍郎徐綱

奔工部尚書徐果及其子錦衣指揮文燦官

丙子南京禮部尚書葛守禮為戶部尚書起邪宗奉刑部右侍郎樊深通政使

丁丑工部尚書徐淵純慈懋恭順贊天開聖皇太后尊護

戶科給事中張憲臣工科都給事中王元春吏部郎中余敬中為浙江江西廣西右叅政編修李賓御史李廷龍為四川

河南副使

前刑部侍郎邵懋卿居嚴氏戍邊

追奪故真人邵元節陶仲文官誥籍其家

徹而苑諸宮殿額初議蓋毀之禮部惜其費僅去額

已卯萬壽節免朝賀

辛巳吏科都給事中胡應嘉削籍應嘉劾吏部尚書楊博考

察失公私憤謫給事中鄭致卿史胡維新閣臣郭朴以應嘉

佐察復撓察典越法重擬而應嘉前劾高拱俱疑出拱意於

是兵科給事中歐陽一教等論救侵拱徐階等擬應嘉請外

拱發階之族一教也隙滋甚然應嘉頗險善評士論輕之

談遷曰上丙即住還謫言路何以杜將來之口晏陽不

解事其右新鄭通所以象之也華亭元宰初不出一語陰

併拱於叢棘之上誠智老而彌矣

壬午翰林侍讀學士張居正為禮部右侍郎兼學士洗馬兼

侍講校士儒為侍讀學士署院

兵部主事海瑞為尚書司丞南京通政司右通政鄭世威為

右金都御史

甲申命齊庶人於南京禮部注籍戚給婚娶

丙戌吉官於遠南京刑部尚書錢邦秀右金都御史劉東仁

吏部郎中劉孝仍任調南京太常寺卿吳遵工部左侍郎張

守耳南京工部右侍郎汪鏜太常寺少卿羅良

賜叔祖慶王三百金鈔線紗羅各十五端錦三端紗二萬貫

叔楚連岷韓潘葉蓋銜諸王全鈔如之鈔羅紗各十端帶青

象蜀代淮德榮諸王各二百金錦鈔羅紗鈔同上姪周判崇

吉姪孫趙王管泰府事隆慶王叔錄管府事應長子項城

同工靖江王亦如之

除藩邸莊田加稅

二戊子工部太社太稷徽樂初太常寺請遣官禮部言禮三

年之喪至大祀越綿從事不敢卑廢尊也宜躬崇樂設而不

作

庫賓外戚錦永衛指揮金事杜繼宗封廣都伯正千戶李銘
德平伯副千戶陳景行同妻伯各祿千石

辛卯大理寺丞唐繼祿為右少卿福建左布政鍾卿為光祿
寺卿

命遼東總兵官移遼陽便海州瀋陽之糧冰解還廣寧防土
壘

壬辰罷金海神之祭

故刑部尚書鄭曉贈太子少保謚端簡

巡撫雲南兵部尚書兼右都御史呂元洵為南京工部尚書

申維岳為署都督僉事總兵官鎮守陝西

癸巳定朝儀自翰林科道鴻臚尚書如近則餘款皆品

襄王厚頰薨謚曰莊

甲午起林雲同刑部左侍郎

魏尚純為工部左侍郎林潤為太常寺少卿提督四夷館周

怡為南京太常寺少卿

命中外歲盤錢糧專於巡撫不會巡撫其五年京盤并八歲

盤專勅各邊巡撫御史

乙未立 皇后陳氏

國權

登極恩徐階子中書舍人瑛進尚書少卿李春芳郭朴並少
保舊諱官高拱進少保兼太子太保武英殿大學士陳以勤

為禮部尚書兼文淵閣大學士張居正為吏部左侍郎兼東
閣大學士並直閣殷士儋為禮部右侍郎

釋放四川按察僉事趙祖鵬獄祖鵬里居被訐奏所作詩訛
工及僭橫不法論死

丙申順天府丞李邦義為南京鴻臚寺卿

丁酉雲南左布政陳紹儒為順天府尹

議錢法馬政戶部言禁偽錢餘舊錢聽民聞其行其稅課等

准收錢兵部言災傷郡縣每馬折八金五年審收並從之先

是太僕寺少卿武金請去種馬可得金百二十萬許之初種

馬北七萬南三萬歲五萬京解其一給各軍後尋牧順天屬

縣曰寄養山西陝西又設苑監官牧工苑萬匹中苑七千匹

下苑四千匹陝西茶馬司沅河西寧等衛番族給金牌四十

一納馬萬四千五十一匹曰差發給茶百萬斤取於蜀後金

牌制廢止給茶易馬似主市云

何喬遠曰馬之始有政也其如夏人之助予為我養馬駒

餘駒界馬戶所謂出其力以助耕公田所以宣德正統之

間焉養而至於山東河南皆馬駒也馬而不能草生草生而不能駒、而不能成馬是官馬而已矣官馬者不樂養馬者也間謂其人為我養馬者也而腹劑之絕束之不為矣謂其所受地廣也而割其餘以賦他民其收地不廣不為矣死而責之償、而值過常不為矣皇親昭瑞之家請牧地則與之不為矣故曰官馬者不樂養馬者也王濟武金之責種馬也猶乎葉琪之責鹽也不曙其大而徒以多金為功夫國初之有馬也不全而多駒也今也以馬價之金還出之畿內之州縣鬻馬以備邊價須三十金所鬻之馬不直數金也此何取責種馬而多金者也夫金也者人之情也一見而侵漁土馬始也見駒而不見金其既也駒多而金多惜乎如萊實之不待其熟也魚之不待其尺也鬻種馬之謂也

戊戌福建左布政陳用賓為右副都御史巡撫雲南

右副都御史李一瀚予告

加恩藩邸官職及內臣太監黃錦廢錦衣指揮僉事錦衣衛太保燕太子太保左都督朱希孝進燕太子太傅餘陞賞有差

己亥故足綏副總兵黃漢卿都督同知小黃河戰沒
歷子鄭大經張齊王之垣李貞元莊國禎胡禮為給事中張應治徐尚為南京戶兵科給事中

辛丑上 孝潔恭懿慈睿安莊相天堦聖肅皇后 孝烈瑞順敏惠恭誠祇天堦聖皇后尊諡加惠內臣黃錦廢錦衣指揮僉事王本馮保廢正千戶胡明喬胡魯恩百戶餘有差下徐果獄太監李芳劾其修蘆溝橋侵費也竟追成
壬寅禮科給事中辛自修為太僕寺少卿
癸卯大賚廷臣吏卒父老

曹邦輔為左副都御史吳百朋為大理寺卿

趙奇總兵鎮延綏郭琥降大同副總兵

甲辰加諡元妃李氏孝懿皇后

定 孝潔皇后祔 世宗廟別祀 孝烈皇后於景靈殿改

曰弘孝

汰內府役匠監官時太僕少卿二范馬卿二布政司參議二郎中一員外郎三餘鴻臚寺丞光祿署正等銜至百數內官監太監李芳請裁革下吏部斥減有差
察免工部主事劉子延奏辨編置塞下

乙巳加謚皇子玹為獻懷太子玹靖懷王皇女進封遂
榮公主太和公主

罷王芝宮歲祀仍日膳從禮部議視南京奉先殿也然
皇帝與高廟稍異即日膳猶隨

前刑部郎中徐學詩為南京通政司右叅謀
連東總兵官王治道敗於白雲山

丙午斬軍伯譚功承卒

起趙貞吉吏部左侍郎兼翰林學士署詹事府

氏申戚內府歲供米麥麻菽丹葵銅蠟等類

壬子故御史曹卿子綬入太學卿初尚書汪鋐被杖死

乙卯中宮千秋節先命嬪嬙

三月己亥御伯張鑑署前府

翰林院庶吉士陳經邦陳懿德周子義戴洵為編修張秩許

國林偕春高啟愚陳思育成憲沈鯉沈淵為檢討李存文陳

行健管大熟嚴用和韓憐王重為給事中王嘉言麻永吉楊

一桂吳學詩王湘李良臣楊允中鍾繼英為監察御史

夜木星逆行守亢宿

己未南京太常寺卿郭汝霖自免

庚申南京禮部尚書林廣機致仕
辛酉降乾清坤寧宮

降雲南提學僉事萬足言二級調外廷言科於事中周世選
勅工部尚書雷禮私忿中傷光祿寺丞廷言外補禮部主
部覆廷言主事不五年陞光祿丞出之雲南循為儒臣禮安
得與從之

裁內官監屬增給從太監李芳之請

甲子禮科左給事中王治工四事曰宗廟之禮 獻皇帝嘗

北而事 武宗今位 武宗之右揆之古典終為未合且附

太廟千萬歲後不免逆違若專祀世廟則億萬世不改曰朝

諱曰親補弼曰謹恭 上畏之

乙丑吏科給事中鄭大經兵科給事中張齊刑科給事中曹

常勉工科右給事中王璠各帶選

己巳太僕寺少卿李邦珍為南京通政司右通政

庚午歸查利光祿寺又湖廣江西山東河南直隸上江江北

監先主事之事

直隸提學御史耿定向奏科場主考官宜簡舉行不論年資分
考取卷正備俟截文限字六百提學官驗明呈解部監生編

號同諸生從之

復貢士坊費嘉靖三十七年歲次丙寅至是浙江巡按御史王得春言之

大理寺卿吳百朋為兵部右侍郎兼右僉都御史仍提督軍務巡撫南贛勅參因並

壬申 世宗堊永陵 孝潔孝恪皇后

癸酉戶科都給事中徐公邁為太僕寺少卿

貴州宣慰司土舍吳國亨貢馬

定大臣謝疏初南京戶部尚書馬森奏謝因合禮部而列議

廷臣值大慶及令節止稱賀餘陞齊俱廷謝外官如常儀齊撫陞齊許疎謝

乙亥改南京兵部尚書李遂贈太子少保予祭葬

監察御史王得春上四市清宮闌某語缺慎題覆嚴有選從

之

丙子鑄日本等國雲南各宣慰司金牌信符

丁丑 世宗祔太廟司 孝潔肅皇后

戊寅署太常寺事禮部 侍郎師宗記降少卿太常寺少卿

魏學詔家好禮降寺丞皆羽派濫職自是限用科目

己卯 上御皇極門復常儀

庚辰祀 孝恪皇太后於神霄殿祔 孝懿皇后

大學士徐階等請開經筵許之

辛巳南京太常寺少卿周怡改北

壬午冊貴妃李氏賢妃汪氏

毀紫極殿紫宸宮改建翔鳳樓尋閣臣言官力止之

吏部左侍郎吳嶽為南京禮部尚書太僕寺卿那應龍為太

常寺卿南京刑部右侍郎徐陟疾免

甲申脩 世宗實錄勅太師成國公朱希忠監修少師大學

士徐階少保大學士李春芳郭朴高拱大學士陳以勤張居

正總裁禮部尚書高儀詹事府吏部左侍郎趙貞吉吏部右

侍郎陸樹聲署院禮部左侍郎潘晟右侍郎殷士儋副之左

諭德孫侍讀袁金和等纂脩

乙酉諭開經筵日講

故刑部左侍郎晏福劉玉贈尚書予祭葬諡端毅

犯連陽長安堡指揮王承德戰沒贈都指揮使指揮宋世

舉都指揮高惟忠及副總兵楊四畏下巡按御史訊之

四丙戌朔享太廟定西侯蔣祐等百五十餘人不入奉月俸

河南道監察御史陳璘等上五事竊稱之益時加復務從
諫之實重招令之施慎爵賞之權近日傳奉世復軌秦之規
報聞

丁亥戎政兵部左侍郎王本固改吏部

己丑南京吏科給事中岑用賓湖廣道御史尹校等拾遺刺
及大學士高拱閣臣例無拾遺 上切責之南京刑部尚書

錢邦彥工部尚書呂光洵劾免

京山王勤炫內江王承燹稷山王胤柯薨

庶幾南京吏部右侍郎瞿景淳為禮部左侍郎湖廣左布政

使畢鐸為太僕寺卿

兵科都給事中歐陽一敬再劾高拱專擅國柄亟宜斥上

以拱舊諱臣不聽

辛卯南贛巡撫吳百朋奏高砂盜求撫許之

癸巳勅太師成國公朱希忠少師大學士徐階知經筵事少

保大學士李春芳郭朴高拱大學士陳以勤張居正同知經

筵

南京廣東道監察御史李復聘等劾高拱切責之拱失徐階
意嘗會食拱曰公在先朝草青詞媚上官卑爾宴駕而即

皆之今又結言路必逐舊臣何也階答曰言路日故多我
要能盡結而攻足下且足下獨不能結之耶我非背 先帝
欲收人心使愚自 先帝出青詞固我罪獨不記在禮部時
先帝亟札問我拱有跡願得效力於難事可許否此札今
尚在拱乃媿沮

丙申禮部言郊廟諸祭太常寺止奏日不奏時故陪祀多失
期今後日時並奏從之

起劉采南京工部尚書趙大佑刑部右侍郎改郭宗皋兵部

右侍郎協理戎政提督操江右金都御史歐汝協為大理寺

卿

兵部尚書趙炳然致仕

庚子傳制封臨川王恬陽沁水王理塔

禮部尚書高儀請立太子不允

重錄永樂大典成進徐階俸正一品李春芳郭朴高拱並少

傅陳以勤太子太保張居正禮部尚書吳武英殿大學士

國子祭酒林燠加太常寺卿翰林院侍讀呂吳王希烈修撰

諸大校並在春坊左諭德修撰丁士美進右諭德各兼侍讀

編脩孫鋌張四維為左右中允各兼編脩脩撰兩自孫編脩

陶大臨並侍讀餘賜金幣

談遷曰萬曆末永樂大典不存抑火失之耶

南京兵部尚書郭乾改北大理寺右少卿唐繼祿為右僉都

御史張督操江

治延綏丙寅失事諸將罪

亡質暑獻釋輕囚

癸卯南京光祿寺卿江治為太常寺卿

乙巳襄府陰慶王載堦改封鄧城王載堦熾與紀元同

大理寺丞溫如璋為右少卿

許吏部右侍郎林樹聲養疾

工科給事中李貞元劾高拱剛愎褊急無大臣體亟宜罷不

聽

丙午禮部尚書高儀等言我朝 列聖相承每接見輔弼延

訪大臣或同游詠和武燕對無時明良喜起太平之象瑞肇

於此我 皇上登極數日即出御門朝寧威儀已復 祖宗

之舊但大廷之上體統森嚴拜起唯諾勢須懸隔若止循例

具文上有懷而不得問下有見而不敢陳竊恐情意不接見

聞日墜諸司奏牘中外事機豈能一一盡白於聖東耶今山

陵已畢議擬復舉惟便殿親政尚未之及伏望朝罷即御大

華殿輔臣隨入其部院大臣不時召見當罰黜陟典禮刑獄

軍機會計凡當酌議者特降清問許部院陳述始末輔臣即

擬可否廉斷親裁科道官各輪二人隨進如議擬未當許公

同評正 上報可卒寢不行

丁未始御經筵宴會極門賜金幣

復鄧景和駙馬都尉給事中張爾御史陳聰等言其故

前吏科都給事中尹相禮科都給事中魏良弼加太常寺少

卿戶科給事中張選加通政司左叅議南京浙江道御史馮

恩加大理寺丞大理寺正母德隆南京兵部職方主事劉世

龍加尚寶司少卿各致仕吏部以先朝遺直而年七奏上例

宜陞秩示優也

徐階劾恩給吏部曰建古中有望雖素著年力衰邁者宜酌

處時馮恩年七十五竟加大理寺丞致仕魏良弼等六人並

如之階等侍郎陟曰奈何為馮一人而追五老哉此輩皆天

下人望抑困若干年而不一起非朝廷獎直振滯之意

談遷曰華亭當國好結言路而於先朝遺直不無補心焉

魏良弼馮恩齒髮未衰遠在列年之列蓋意有所憾也朝

廷優老之德乃為政府行其私耶

戊申戶部尚書葛守禮等言直隸山東有司變法起科太重微派不均夫因田制賦樓籍編差國有常經今不論籍之上下惟計田之多寡故民皆棄田避役沂費鄉隣之閒萊田彌望招墾莫應今行差役將舉山東為沂費鄉隣也夫工匠傭力自給以無田免差需商大賈操貨無害亦無田免差至墾種胥胥終歲勤劬乃更受其困此所謂科也乞下明詔正田賦罷科差使小民不離南畝則深移漸復農事可興又國初徵賦戶部定倉庫額價分派各省小民照倉上納完欠瞭如近年定條鞭法不倉不石每畝銀若干吏胥因緣為奸增減洒派弊端百出宜罷條鞭法均稅額從之

談遂曰吾浙雁尚鴈立條鞭法民甚德之而葛守禮極言其弊非齊人獨累也兩浙人多力穡故田重齊人多逸末故田輕、重之間而利弊形矣雖然法無全利日久弊生即吾浙今不為山東耶

已而尚書司丞海瑞為大理寺右寺丞南京太僕寺卿袁洪愈為南京光祿寺卿吏部議太常鴻臚卿仍用進士別途得為少卿任久加俸兩

國權

房中書舍人不得陞九列

庚戌南京刑部尚書趙大佑改南京兵部尚書

禮部右侍郎韓士儋改吏部右侍郎通改使樊深為刑部右侍郎

壬子復鄭世子載堦冠帶

刑部尚書黃先昇致仕

癸丑改巡撫陝西監察御史潘銳孫朝柱入太學

甲寅故新建伯南京兵部尚書王守仁贈新建侯諡文成太

保左都督同尚文贈太傅諡武襄少傅大學士蔣冕贈少師

諡文定少保吏部尚書喬宇贈少傅諡莊簡禮部尚書汪俊

贈太子太保諡文莊太子太保戶部尚書王象贈太子太

刑部尚書喻茂堅贈太子少保少詹事黃佐贈禮部右侍郎

右僉都御史朱方贈右副都御史各予祭南京禮部右侍郎

呂柟贈尚書諡文簡太子太保吏部尚書武英殿大學士石

瑄贈少保諡文介追奪尚書顧可學徐可成侍郎朱隆禧郭

文英贈諡告身仆其諭祭等碑奪侍郎張電誥時議奪工部

尚書甘為霖祭葬禮部言為霖雖庸劣非難深比得免

太僕寺少卿李一元為鴻臚寺卿

平、衛地震
套、數犯陝西

五月朔朔東安縣馬頭村人晨起望西三五里見地有涿水之
悍渺茫白色近視無有也後萬曆二年渾河衝為河道果驗
南京禮部右侍郎裴昇為南京吏部右侍郎巡撫應天右副
都御史謝登之為通政使

南京右都御史孫植為南京刑部尚書南京大理寺卿吳悌
為南京刑部右侍郎

太常寺卿署國子祭酒事林燠為禮部右侍郎嘉翰林學士

丁巳 工告廟請 太祖高皇帝配北郊

戊午召南京吏部尚書毛愷於刑部

已未新河成引鮎魚諸泉薛沙諸河注馬壩三河口淪舊河
修馬家橋段還河出飛雲橋者盡入泰溝漕道大利

吳道南曰此役之興義不免為威應期之續非其心必欲
宮成也或者見不中曜懼非嘗之原耳

庚申授督西夷館太常寺少卿林潤為右金都御史巡撫應
天陳陞起南京禮部右侍郎改南京國子祭酒

辛酉 工觀址知

盜殺保康知縣張士勳
六月中朔開館修實錄

二千餘騎犯朔州恭將麻錦追擒二人斬十三級
戶部員外郎林喬相秩滿請贈生母許之仍著為例

乙酉折河鮎魚口驟水溺人舟亡矣
丙戌歸陰慶懷來等莊田於有司

戊子戶部尚書葛守禮終養

已丑量釋高牆監人

壬辰京師霖雨兵部郎中郭洪震言災異疊見宜無致之者
陛下臨朝瑞拱未嘗清問民情奏章少覽閣後宮游幸嫺御

充斥左右近習恩私恣情賜予頗濫號令非一前後背馳惟
陛下惕然深思暫罷游宴務齋戒感格勅戶工二部嚴民田

足傾沒之數量行蠲恤 工是之

癸巳上視朝宴殿日講禮科給事中何起鳴戶科右給事中
張爾等以為言報聞

甲午召南京戶部尚書馬森於戶部工部左侍郎魏尚純為
南京工部尚書

詔停刑

丙申諭脩省

初御史張楷請皇極等殿門仍太祖舊額太監李芳言南

北郊合祀並下禮部議曰我皇祖名奉天殿蓋明王奉若

天道之意先帝因變鼎新之更曰皇極義取洪範他殿閣

名先後雖殊意各有當非臣下所輕議皇上善繼善述凡

事奉道詔若殿門等額遺詔大哉今山陵甫畢一旦舉而盡

更之竊所未忍周禮園丘方澤之制甚詳天地分祭在成周

已然秦漢皆主分祭自後分合靡常議主分祀十之六七主

合祀十之二三程頤朱熹號稱大儒一則曰冬至祭天夏至

祭地此何待片一則曰天地不當合祭我太祖初建園丘

方澤亦倣周禮洪武十年改合祀世宗議定四郊如洪武

初制非先帝創之實遵聖祖初意若復輕改臣等未見

其可上從之

上聞水災命各御史分賑貧民

叙河功工部尚書朱衡進太子少保右僉都御史滿壽副進

右副都御史先後河臣陞奏有差

戊戌工部服避殿御史極門修省

巡撫浙江都御史張師載疾免

歲內府各監局積貯

已亥停工役

辛丑兵部覆御史王友賢逸務六事重將領嚴清勾革贊直

罷閑稅關山海清撫賞節貢夷上具之

云實裁畿內冗官

癸卯戶部左侍郎劉體乾為南京戶部尚書趙孔昭右僉

都御史巡撫浙江

丙午命朝覲官即賁萬壽賀表

武清汶上等大水

丁未命宣府巡撫御史追理屯牧占田

初給事中趙執御史周弘祖請故禮部左侍郎薛瑄從祀孔

廟御史耿定何舉故新建伯王守仁禮部言嘉靖初議瑄從

祀以論久後災宜俟將來守仁代近恐衆論不一上具之

戊申免各莊田租十之五

故少師大學士楊謚文忠太子太保兵部尚書兼左都御史

王廷相謚肅敏太子太保兵部尚書兼豹謚貞叢太子少保

戶部尚書梁材謚端肅兵部侍郎曾銑謚衷愍楊守謙謚恪

愍高太節謚端愍右副都御史孫繼魯謚清愍各予祭塋而